

vill leggja um starfið. Þar skal einnig tekið fram hvenær stefnt er að því að nýr rektor hefji störf.

3. gr.

Háskólaráð úrskurðar hvort umsækjendur uppfylla hæfniskröfur og tilkynnir hverjir hafa lagt fram gildar umsóknir.

4. gr.

Háskólaráð tilnefnir rektor m.a. að undangenginni könnun á menntun, stjórnunarreynslu og starfsferli umsækjenda og viðtölum við þá og að undangenginni skoðanakönnun meðal starfsmanna og nemenda.

5. gr.

Háskólaráð efnir til skoðanakönnunar meðal starfsmanna og nemenda um hvern umsækjenda þeir vilja sem rektor. Kjörnefnd Kennaraháskóla Íslands annast undirbúning og framkvæmd skoðanakönnunar. Rétt til þátttöku í könnuninni eiga:

- a. Próffessorar, dósentar, lektorar, aðjúnktar og aðrir starfsmenn sem ráðnir eru í fullt starf við Kennaraháskólann þar sem krafist er háskólaprófs.
- b. Starfsmenn aðrir en þeir sem tilgreindir eru í a-lið og gegna fullu starfi við skólann.
- c. Starfsmenn sem ráðnir eru í hlutastarf sem nemur a.m.k. 50%.
- d. Allir nemendur sem skrásettir eru í grunn- og framhaldsdeild skólans þegar kosning fer fram.

6. gr.

Kjörnefnd tryggir að umsækjendum gefist kostur á að kynna sig og stefnumál sín fyrir þeim sem rétt eiga til þátttöku í skoðanakönnuninni. Séu umsækjendur þrjár eða fleiri skulu þátttakendur í skoðanakönnun velja þrjá og forgangsraða þeim. Atkvæðaseðill þar sem fleirum eða færri er greitt atkvæði en áskilið er telst ógildur. Á sama hátt skal greiða atkvæði séu umsækjendur tveir. Kjörnefnd lætur háskólaráði í té niðurstöður skoðanakönnunar hvers hóps um sig. Háskólaráð birtir í fundargerð nöfn þeirra þriggja sem flest atkvæði hljóta hjá hverjum hópi um sig án atkvæðatalna.

Reglur þessar öðlast þegar gildi.

Kennaraháskóla Íslands, 15. desember 1999.

Þórir Ólafsson.

Ólafur Proppé.

REGLUR

um inntöku nemenda í framhaldsdeild Kennaraháskóla Íslands.

I. KAFLI

Um framhaldsnám við Kennaraháskóla Íslands.

1. gr.

Meginmarkmið framhaldnáms við KHÍ er að gefa kennurum, þroskaþjálfum og öðrum uppeldisstéttum kost á að dýpka þekkingu sína, þjálfu hæfni til kennslu, stjórnunar, umönnunar, þróunar- og rannsóknarstarfa. Jafnframt er meginmarkmiðið að efla rannsóknir á íslensku menntakerfi, málefnum fatlaðra, uppeldisháttum og umönnun, stuðla að gagnrýninni hugsun, frumkvæði og forystu og styrkja þannig forsendur stefnumótunar og þróunar.

2. gr.

Við mat á umsækjendum í framhaldsnám við KHÍ skal velja umsækjendur með tilliti til ofangreindra meginmarkmiða. Taka skal tillit til möguleika KHÍ á að veita nemendum tilheyrandi leiðsögn.

II. KAFLI

Inntökuskilyrði í nám sem lýkur með formlegri viðurkenningu (diplómu).

3. gr.

Rétt til að sækja um inntöku eiga þeir sem lokið hafa fullgildu starfsmenntanami á sviði kennslu, þjálfunar, uppeldis og umönnunar. Gilt er talið nám frá Fósturskóla Íslands, Háskóla Íslands, Háskólanum á Akureyri, Íþróttakennaraskóla Íslands, Kennaraháskóla Íslands, Kennaraskóla Íslands, Þroskajálfaskóla Íslands og öðrum skólum sem veita samþærilega menntun. Umsækjendur skulu hafa að a.m.k. tveggja ára starfsreynslu.

III. KAFLI

Inntökuskilyrði í meistaraþrófnám (M.Ed.).

4. gr.

Nemandi sem lokið hefur með 1. einkunn (7,5-8,5) eða ágætiseinkunn (9-10) 30 eininga framhaldsnami á háskólastigi sem viðurkennt er af deildarráði getur sótt um að fá að hefja meistaraþrófnám M.Ed. Til þess að geta hafið meistaraþrófnám skal umsækjandi hafa lokið námskeiðum að lágmarki 15 einingum á sama sviði eða hafa á annan hátt jafngildan undirbúning. Til að geta sótt um að fá að hefja meistaraþrófnám sem tengt er fagbundinni kennslufræði þarf umsækjandi að hafa að lágmarki 45 einingar í greininni (nám á háskólastigi).

IV. KAFLI

Stjórn inntöku.

5. gr.

Háskólaráð ákveður í ársbyrjun fjölda þeirra nemenda sem heimilt er að taka í framhaldsnám á árinu.

6. gr.

Inntaka í framhaldsnám er í höndum deildarráðs. Deildarráði er heimilt að skipa inntökunefnd til að undirbúa inntöku.

V. KAFLI

Umsóknir.

7. gr.

Umsóknareyðublöð, inntökureglur og aðrar nauðsynlegar upplýsingar um framhaldsnám við KHÍ skulu liggja fyrir á skrifstofu skólans og heimasíðu hans með góðum fyrirvara áður en umsóknarfrestur rennur út.

8. gr.

Tekið er á móti umsóknum á skrifstofu skólans. Þær skulu vera á þar til gerðum eyðublöðum. Umsóknir eru stimplaðar með dagsstimpli og þeim gefið númer í þeirri röð sem þær berast. Staðfesta skal móttöku umsókna með bréfi. Umsóknir fara til tölvuskráningar á skrifstofu skólans þegar við móttöku. Móttöku umsókna er hætt þegar umsóknarfrestur hefur runnið út. Heimilt er að óska eftir meðmælum frá þeim aðilum sem umsækjendur hafa bent á.

9. gr.

Heimilt er að boða umsækjendur í viðtöl.

VI. KAFLI

Viðmiðanir við mat á umsækjendum.

10. gr.

Við mat á umsóknnum er tillit tekið til menntunar og starfa með hliðsjón af því námi sem þeir hafa valið sér.

Menntun:

Meta skal umsækjendur eftir því hvernig fyrri menntun þeirra nýtist sem undirbúningur fyrir framhaldsnám við KHÍ. Hér er einkum litið til framhaldsnáms á háskólastigi.

Við mat á umsóknun um að stunda nám í kennslufræði tiltekinnar kennslugreinar skal taka tillit til undirbúnings umsækjanda í greininni (sjá grein III.1.).

Starfsreynsla:

Meta skal umsækjendur eftir því hvernig starfsreynsla þeirra nýtist sem undirbúningur fyrir framhaldsnám við KHÍ. Einkum er litið til starfa við kennslu, uppeldi, þjálfun og umönnun.

Námsárangur:

Meta skal umsækjendur eftir námsárangri á þeim sviðum sem álíta má góðan undirbúning fyrir framhaldsnám við KHÍ.

Önnur atriði:

Við mat á umsækjendum er heimilt að líta til atriða eins og ritfærni, málakunnáttu, frumkvæðis, áhuga, samskiptahæfni og vinnusemi. Heimilt er að líta til ritstarfa umsækjenda, framgangs í starfi, þróunarverkefna sem þeir hafa unnið að og til félagsstarfa. Þá er heimilt að leggja mat á greinargerð þar sem umsækjendur rökstyðja umsókn sína. Líta skal til þeirra meðmæla sem umsækjandi hefur hlotið. Meðmæli skulu vera trúnaðarmál.

Þegar um jafngilda umsækjendur er að ræða skal hlutkesti látið ráða.

VII. KAFLI

Tilkynning um niðurstöður.

11. gr.

Að vali loknu skal umsækjendum svarað bréflega og þeim sem boðin er skólavist falið að staðfesta umsókn sína með greiðslu skráningargjalds fyrir tiltekinn tíma. Staðfesti umsækjandi ekki umsókn sína fyrir þann tíma fellur hún úr gildi og umsækjanda á biðlista er boðin skólavist með sömu skilyrðum.

12. gr.

Synjun á skólavist skal fylgja svohljóðandi rökstuðningur: Með hliðsjón af inntöku-reglum sem háskólaráð hefur staðfest reyndist því miður ekki unnt að veita þér skólavist að þessu sinni.

Reglur þessar öðlast þegar gildi.

Kennaraháskóla Íslands, 15. desember 1999.

Þórir Ólafsson.

Ólafur Proppé.